

光緒山西通志

金石記一

記五之一

山西通志弟

卷之

賜進士出身頭品頂戴兵部侍郎兼都察院右副都御史巡撫山西提督軍務張煦等
督監修

金石之文有饒地理極其考證之勤每足補圖史闕略文獻
佚遺故道元注水經吉甫志郡縣往往指陳古刻引爲故實
乾嘉以來其學大盛一時山左中州粵東諸志莫不據爲典
要或專篇臚次或別本單行搜羅既富體例亦大備焉三晉
文物創闢最先吉金樂石所在不乏汾陰出鼎茂陵因之改
元靈淵得銘代京用以薦廟文字偶符動稱瑞應而漢碑自
有道阡外盡除於宇文其爲歐趙箸錄者亦復無存
國初亭林竹垞諸人極意搜牢北朝以下名刻始稍顯於世
卒無萃爲專書以資數典者斯則足迹所限璫蠟莫施求之

一隅既無所贏徧及州郡又窮於力也乃者洪洞董氏文燦輯有碑目一卷而故虞鄉令扶風王氏煒亦嘗鈔綴得八百餘種爲金石志略兩家援据略同而王以宦遊最久多獲墨本故論說獨備若近刻山右金石錄寥寥數紙特其餘矣王又有晉泉彙錄亦前人所無茲並採入書益以舊所見聞依類編次綜一千四百餘事物以古爲貴故所錄以元代爲斷以少見珍故所論於金文爲詳局於耳目漏遺良多斟寫原文亦所未暇訂之功期諸踵事知晉故者或有樂乎此也

銅器 鐵器 貨泉

商

唐子爵銘

器今不知所在銘四字曰唐子

二字直書且祖乙二字平列

積古齋款識唐國名左昭元年傳云遷實沈於大夏主參
唐人是因以服事夏商杜注唐人若劉累之等累遷魯縣
此在大夏是銘曰唐是商世唐君之器也

元和郡縣志故唐城在翼城縣西二十里堯裔子所封也

綦鼎銘

器今不知所在銘三字曰綦

綦父乙二字

薛氏款識銘曰綦父乙者蓋綦國名也歷考商書雖不聞
有國之名綦者然歸亳之際諸侯所會者至於三千安知
其無綦也大抵爲史者非因事以見之則亦不能共載矣

謹案書顧命四人綦弁釋文馬本綦作騏詩其弁伊

騏亦徑以騏爲綦此銘作愈從其從衣蓋綦之古文

也路史騏古國漢有騏侯國在河東

案說文綦弁之綦作綦綦巾之

篆作𠂔皆後起之專字其解𠂔字從黃籀說引左傳
晉人或以廣墜楚人𦵏之𦵏作𠂔又據杜林說以𠂔
為𦵏𦵏字當緣其𦵏為𠂔而𦵏之古文本從衣作𦵏
與𦵏之從心𦵏又相混轉致誤黃氏遂以𦵏為𠂔
杜林又以𦵏為𦵏而𦵏𦵏古互用為𦵏𦵏字記謂漢
𦵏之本字𦵏矣此銘可證其致𦵏之由
𦵏邑在唐呂香縣縣東南六七十里有馬頭山𦵏馬
之駿異者因以為名蓋臆說矣
山西通志輯要呂香
故縣在鄉南縣東南
里八十

父癸敦銘

器於光緒丁亥聞喜縣南王村出土為任茂才恆泰所得
銘六字曰取作父癸尊彝

謹案首一字篆作𠂔自是作器者名其字則不可識
矣或云𠂔象手持兵形左旁工當為壬乃其名也亦
通積古齋山父王
尊壬正作工商人尙質以十千為名字上下皆

同

駟白銘

與上一器同時出土銘六字曰駟作寶尊彝五器蓋並同
謹案駟作器者名說文駟篆文駟古文此作駟當是
其繁文五宗廟祭品之次第也作𠂔者古人反書側
書無定形也同時出土者別有鼎一敦一龍勺一皆
無銘而華紋色澤甚古與此白均可定為商器

周

晉姜鼎銘

西清古鑑著錄之器銘一百二十二字舊釋云佳惟王九
月乙亥晉姜日今余佳惟司爾朕先姑君晉邦今不勵職
荒宰齊亞遷維明德宣邛我猷用毘召所辟辟委揚乃

光刺烈虔不豎豎

豎諸豎

京目豎豎

我萬民嘉遣我錫

鹵虎

責千兩勿豎豎

文侯顧命畏成豎

通宏征豎豎

湯

齔原

取乃金用作豎

寶隣鼎用康豎豎

合西豎

文安豎豎

子晉姜用薪豎豎

綰豎豎

壽豎豎

作豎豎

為亟萬年無疆用

享用德峻保其孫子三壽是利

博古圖錄晉姜齊侯宗女姜氏以其妻晉文侯故曰晉姜

觀其始言君晉邦取其寡小君之稱以正其名中敘文侯

威貫通宏征綏蕩原以顯已之有助迨其末也又言保其

孫子三壽是利則三壽者與詩人之言三壽作朋同意蓋

非特保我子孫而外之三卿亦冀壽考也款識條理有周

書誓詰之辭而又字畫妙絕可為一時之冠

劉原父先秦古器記此鼎得之韓城韓乃古建國有晉姜

有文侯殆曲沃宗廟器也

集古錄右原父既得鼎韓城遺余以其銘而太常博士楊南仲能讀古文篆籀爲余以今文寫之而闕其疑楊南仲已亥歲馮翊有得鼎韓城者摹其款識於石按其銘蓋多古文奇字蔡襄云得原父鼎器銘知古之篆字或多或省或移之左右上下然亦有工拙泰漢以來裁歸一體故古文所見止此

謹案此器博古考古二圖集古錄薛氏款識並著錄釋文有劉原父楊南仲二家據銘內錫虎賁語與尙書互證所謂文侯者當是文侯仇非文公重耳惟晉姜不敢遽定爲卽文侯夫人也

內府所藏較此缺二十二字自別一器又一鼎文相同而字爲陽識結體亦小範治不精旣多闕勑又復參錯當是後人偽造阮氏不辨摹入積古齋題爲乙亥

鼎以草篆目之無乃爲趙凡夫輩教孫升木乎

晉司徒伯郤父鼎銘

器今不知所在銘十八字原釋云晉嗣徒白郤父作周陟寶隣鼎其萬季永寶用

薛氏款識晉以僖侯諱司徒故廢司徒爲中軍稽之周歷晉僖侯之元年實周共和之二年至周平王之四十八年魯隱公始居攝蓋百有餘年矣孔子作春秋斷自魯隱公始則前乎列國雖有名卿大夫往往無從考按是以伯郤父之名不見於經傳也

虞師酉敦銘

器爲饒徵阮氏所藏器及蓋銘各一百八字文同原釋云佳王元季正月王才

在吳虞

各吳大廟公族鳴釐入右師

西立中廷王乎史秩門冊命師酉爾乃且商官邑及虎
臣西門卽能卽齊私卽京卽昇人卽新錫女赤市朱黃
中縣攸勒敬嬰夜勿廢朕命師酉詣首對揚天子不顯休
命用乚朕文考乙白寃歐隣敦酉其萬季子孫永寶用
積古齎款識案古籍周王無適吳事此吳古虞字也詩周
頌不吳不敖史記孝武紀引作不虞不驚左僖五年傳虞
仲吳越春秋作吳仲漢書地理志云武王封周章弟中於
河北是爲北吳後世謂之虞又史記吳世家每以中國之
虞蠻夷之吳分別言之者亦以吳虞同字也蕭山王進士
宗炎云左氏傳云大伯虞仲太王之昭又曰宋祖帝乙鄭
祖厲王謂諸侯始封得立出王廟然則虞太廟當是太王
廟也古者天子適諸侯必舍其祖廟莊二十一年傳言王

巡統守其時號叔方爲王卿士也虞與號皆稱公疑虞先
君亦有爲王卿士者故王巡其守知是虞非吳者穆天子
傳載天子南登於薄山賁輪之陞宿於虞當卽其事吳則
無文以應之塢釐之塢從孫淵如觀察釋字從工從鳥象
形與周無專鼎塢字相類特文有繁省耳耕字從禾從片
卽厖字廣雅云柩棺也其當謂之厖字通和呂覽云見棺
之前和和門爲史名猶塢釐爲公族名古人少二名此二
人皆二名也或曰他器右者與史皆舉其名此但舉其官
言公在廟祝塢釐而入右王呼史於和門而冊命酉和門
軍門也見周禮大司徒注此銘器變例說可附存嗣釐嗣
商通商殆師酉之祖爲商官所食采邑周初不改卽命酉
世守之也商或釋作啻以爲酉祖名亦通虎臣宿衛之職

及作丩見薛氏款識齊侯鐘西門節闕之節也能通熊字
見號叔大林鐘熊節疑同虎節汗簡奉字作𡗗說文奉字
作𡗗此作𡗗下𡗗亦象手承之形是古奉字也秉字說文
訓爲禾束從又從禾秉節當是主委積之節卽貨賄之節
也京王都京節則守邦國之玉節也𡗗說文訓舉人節士
國之使節也日奉日𡗗義同執持之義也𡗗卽𡗗字左傳
韞鞞鞞鞞皆所以御馬說文韞作𡗗訓爲著掖鞞鞞字訓
云韞鞞一曰龍頭繞者秦公孫鞞字當爲子鞞禮檀弓作
子顯省文此作𡗗又顯之省也王進士云究字從宀從口
從九者國邑也九鬼古通用商時有鬼侯國吳侃叔云究
古宀字古宀軌通從口古文以口爲規故以爲聲義究古
亦作𡗗習鼎文𡗗伯𡗗法也與此究矩同義仲獻父敦云

皇考辟伯王母辟姬義亦同辟軌並訓法也

謹案故虞城在平陸縣東北五十里虞山上虞山元和志作吳山寰宇記虞坂一名吳坂在虞城北二十三里今土人猶習稱吳坂足徵阮說之確又一器與此銘同阮書亦著錄云西人秦伯崖所手搨者銘文畀下一字器蓋並作𠂔後一器作𠂔互勘當是𠂔字通邱邱節蓋卽路節周禮環人掌送迎客賓以路節達諸四方法路節旌節也釋爲人似非

黃叔單鼎銘

器今不知所在銘二十一字皆反書原釋云唯黃孫子孫君叔單作鼎其萬年無疆子孫永寶用

積古齋款識叔單鼎據趙太常秉冲摹本編入黃孫子孫

君蓋黃滅後子孫又續封故稱黃孫子也系說文云繫也
籀文從爪絲此從爪從系從巾巾系之下體也省一幺系
者繼也續也叔單爲始續封之君故曰系君可證春秋時
小國絕而復續者多矣又說文云籀文以鼎爲貞字此鼎
字正作貞合乎籀文

謹案黃有二一嬴姓少昊後春秋僖十二年爲楚所
滅一嬴駘後左傳所謂沈妣碇黃者春秋前爲晉所
滅此器未知何屬阮氏獨舉楚滅黃爲證考晉平公
因子產之言祀於夏郊安知不更因其言修汾神之
祀而於四國或紹其封乎漢書地理志河東彘縣莽
曰黃城莽好古當有所據

冀師季旆盤銘

器舊失傳銘十九字文皆反書左行原釋云冀師季移用其士金自作寶盤用孝用享

字二福無疆

薛氏款識商有冀父辛卣博古云冀者國名昔人受封於此則後世食采於所封之地復以爲氏冀乃其族裔也師言其官也季言其序也移則其名耳日用孝用享蓋祭享之器也福上一字磨滅無考吉字從士從口此止從士字畫奇古文詞典雅但形制未傳耳

謹案銘季下一字反書爲𣎵原釋移誤篆當爲旆說文旆繼旄之旗旆然而垂也從於米聲於下云從中曲而下垂於相出入也此文作𣎵正象旗旆旋繞於杜出入之形博古不審文之反正謬以楷說篆耳其冀父辛卣銘云敷作父辛旅彝敷乃作器者名以爲

國名亦非故不採入郡國志河東皮氏縣有冀亭水
經注汾水又逕冀亭南古之冀國所都也杜預釋地
平陽皮氏縣東北有冀亭卽此亭也汾水又西與華
水合云云審其地當與今稷山縣治近

鄂侯敦銘

南海吳氏筠青館箸錄云吳子苾所藏搨本銘十七字原
釋云鄂侯作王姑滕敦王姑其萬年子孫永寶

鄂史寶鉞銘

器爲儀徵阮氏所藏銘二十六字原釋云鄂史寶自作鉞
用征用行用斬眉壽萬年無疆子孫永寶是尙

積古齋款識鄂與萼同汗簡王庶子碑萼作𦵏此作𦵏俱
從𦵏從木形賓說文古文作𦵏此作𦵏其六貝之間文少

異耳元案鄭邾叔鐘寶作𠔁又周張仲璽寶作𠔁然則寶之異文亦多矣鉶卽說文鉶字說文解鉶字云似鍾而頸長此字正在鍾字之上鍾字解云酒器也然則鉶爲酒器似鍾而頸長耳此器頸長足見許氏無虛語也戴氏六書故云鉶經天切似壺而大莊子曰求鉶鍾也以東轉自陸氏釋文誤音刑後世遂混於鉶鼎之鉶其實一從开一從井形聲判然異矣博古考古二圖俱無是器其失傳久矣鄂有二一爲商侯國一爲晉鄂侯此鄂未詳何國寶作器者名

謹案爲紂三公之鄂侯史記注徐廣曰一作邾野王有邾城是邾侯之書鄂侯猶鬼侯之爲九侯文有繁簡聲有通假古人用字每多不拘金刻國名如鄭作

莫紀作已魯作鹵許作無邪作龜皆其例也此鄂字
敦銘作𣎵鉸銘作𣎵一同𣎵一同𣎵皆與邪聲義相
遠篆法文體亦不類商器其爲晉鄂無疑括地志故
鄂城在慈州昌甯縣東北二里正今鄉甯縣治也

箕鼎銘

器今不知所在蓋銘一字甘

廣川書跋余考此鼎無銘識有刻在蓋曰甘以書文考於
古在篆爲箕在籀爲期在古文爲其然未少異也刻畫樸
古款識深重與夔鼎相類書圭精非後世可議自漢以後
工力漸改無復款文如三代時故悉刻鑿爲之今視其文
如木蠹蟲行以此知爲周秦間寶器

謹案甘卽箕之本字象箕形也此當爲地名左傳杜

注太原陽邑縣南有箕城

今太谷及和順並有箕城

顧亭林謂春

秋初晉地不及霍山以北傳言狄伐晉及箕必其近國之地据厲公使呂相絕秦曰入我河縣焚我箕郛又必其邊河之邑良是今案寰宇記隰州蒲縣隋開皇三年移縣於東北三十里箕城此則去絳去河皆不甚遠可爲顧說左證矣若其以邑爲氏者文八年傳有箕鄭父襄二十一年傳有箕遺器未知誰作也

樂左軍戈銘


器爲儀徵阮氏所藏銘三字原釋云緜左軍

積古齋款識緜字古樂省齊有樂施晉有樂枝樂書樂厲樂盈左軍卽下軍古人尙右則左爲下矣晉有三軍左僖二十七年城濮之戰樂枝將下軍文十二年河曲之戰樂

盾將下軍宣十二年傳邲之戰樂書將下軍成二年傳盞
之戰樂書將下軍此戈其晉樂氏之物與

晉左軍戈銘

器今不知所在積古齋據趙晉齋搨本箸錄銘六字可識
者晉左軍三字

謹案此銘篆作左軍茲編首一字並末二字不
可強釋阮氏定爲漢器似亦未審茲附周末三代古
器見於前人箸錄有關晉故者薛氏款識尙有宰辟
父敦三器以作器者名周定爲晉悼公博古圖有仲
姑義母匱據左傳母義子愛指爲文公妃杜預或出
傳會或妄穿鑿均不錄及

叔碩父卣銘

器與下叔姑簋並同治癸亥吉州安平村出土爲鄉甯楊
篤所得今歸吳縣潘氏銘十三字原釋云叔碩父作旅廬
子孫永寶用

謹案金刻廬字皆從犬從宀從鼎此銘作𠂔右犬之
象形左則廬之省文也叔碩父於古無徵碩篆作𠂔
或釋爲頃左傳翼九宗五正頃父之子嘉父逆晉侯
於隨納諸郢器所出之安平村距故郢城三十里蓋
晉大夫之宗器也可備一說

叔姑簋銘

器於出土時爲農夫斲毀一耳銘十一字原釋云叔姑作
旅簋其萬年永寶用

謹案金刻簋字異文甚眾此文作𠂔從金旁亦他器

所無

齊舉子鐫銘

同治庚午榮河后土祠側河岸圯所出凡古鐘十二並爲縣人尋上舍鑒泰所得其一有銘重百二十斤卽此鐫也後歸吳縣潘氏銘在兩銑鉅間及鼓左右凡一百七十二字曰佳王五月初吉丁亥齊薛舉叔之孫適中之子么伧子中姜寶鐫用斯侯氏永命萬季綸保其身用享用孝于皇祖聖叔皇祇聖姜于皇祖有成惠叔皇祇有成惠姜皇考適中皇母用斯壽老母死保慮兄弟用求考命張生簡義政保慮子佳舉叔有成裝于齊邦侯氏錫之邑百又九十又九邑與邨之民人都爵侯氏從造之曰某萬季死薛孫子勿或俞改舉子么曰余張心畏聽余四事是台余爲

大攻及大事大徒大僕是辟可更子孫永保用高

張孝達說辟陵叔者辟氏陵叔字適齊通讀若齊莊中正
謚法執法克中日齊資輔就共日齊子仲姜適仲之配作
器者之母子仲卽適仲字詩從孫子仲傳孫子仲謂公孫
文仲也箋云子仲字也此姜氏旣卒則當冠以夫之謚稱
適姜或適仲姜若惠公仲子之例妾則冠以子之謚若僖
公成風之例今姜見存則惟有冠以夫之字故如此稱也
或謂子是女子子之稱此縛是爲其女作媵器然媵器旣
不得作大縛且其兩代祖母皆姜姓何緣其女又姜姓乎
案春秋子叔姬公穀皆釋爲公之同母姊妹是子固不定
爲女子子之稱穀梁並說爲杞夫人被出者是子並不必
女子未嫁而後可稱春秋已不止一義更無庸執以疑此

文矣。𠂔左畔仍卽系右畔乃令之假借左系右令其字當作𠂔字書雖無此字以義求之當仍讀爲令。尙書呂刑苗民弗用靈鄭注以政令釋之細衣引此作匪用命墨子尙同中篇引此作苗民否用練是命令靈練四字古相通假固是聲轉亦必。命令字古有加系旁者如此器文耳此作器者名聖叔聖姜卽聲叔聲姜聖本字聲假借字聖字本從耳得義說文聖通也從耳呈聲風俗通聖者聲也通也言其聞聲知情通於天地白虎通聖者通也道也聲也聞聲知情故聽字當從聖省聲何以知之據尙書此厥不聽漢石經聽作聖知之也春秋文十七年小君聲姜左穀作聲獨公羊作聖姜此古文古義未盡淪沒者東晉孔晁不達其情遂於謚法解旣標聖字又增聲字一謚從爲之辭

大謬矣公羊孤義得此轉乃益明惠叔辟屢叔謹有成者
其采邑名因以爲氏爲號如公孫有山氏公孫有陘氏之
比此云有成下云屢叔有成者倒文耳虞虞借字保虞猶
言保右安樂當是介字介句借字祈也詩介景福介眉
壽皆句之借傳箋訓作大偶未審耳簡簡大也義儀通語
也政正也裝字見說文此借作榮澤字文甚晰聲義未詳
邱者四邑爲邱此將邱左畔橫書作聚形從申也轉注訓
也葉卽葉字亦卽世字詩昔在中葉傳世也葉葉萬年卽
世世萬年也葉下重文寢就磨滅隱約可見耳萬下文義
的是年字此作重形疑是年之或體加爲人剔損小致誤
耳死卽尸字主也辭嗣通卽司字下同彝器屢有尸嗣語
俞改讀如春秋鄭人來渝平之渝記說文戒也畏記猶尙

書言敬忌大政軍旅也大事祭祀也大徒工役也大僕田
獵也此所謂四事也爲字及字器上文甚明燎兩稱皇祖
者蓋祖與曾祖俱稱古人於禰廟通稱祖不必定是王父
祗卽妣說文祗司命也此特漢人祭名許君習見漢禮故
以漢事說之案六書之例合以祗爲祖妣本字也燮子綸
卽作器者孫以王父字爲氏故名上貫氏稱燮子綸也
吳清卿說齊有辟司徒左傳杜注謂主壁壘者或後人以
官爲氏遂從辟姓燮疑卽古鞏字上作夊似夊之變體下
卽革古地多從邑旁亦有從邑者如隴陝陽阮陘皆是以
春秋人名往往以地著如卻缺稱冀缺之類左傳昭二十
五年尹文公涉于鞏鞏爲縣名非齊地晉有鞏朔亦稱鞏
伯齊之鞏叔不可考作器者爲鞏叔之孫適中之子也子

下一字約有𠂔旁不可辨識與下文大澣手剔出之𠂔旁
字相同當是作器者名聖叔聖姜其曾祖考妣有成惠叔
有成惠姜其祖考妣也又有古通有成惠叔即鞏叔蓋下
云鞏叔有成顯係一人稱有成者猶卻鞏稱苦成叔亦稱
苦成即其例皇母不氏上言子中姜省文𠂔即魯之或體
博古圖齊罇純魯作𠂔與此相似古魯幣作𠂔彝器每
言魯休純魯祚魯意同詩閟宮言眉壽保魯以此罇證之
知保魯亦祝辭非專指魯矣𠂔古表字表從衣從毛許云
古者衣裘故以毛爲裘作𠂔者象毛下垂作𠂔者象衣領
形省衣者猶求古文爲求尾從𠂔即此字隸變作毛裘省
文耳張生即彌性詩卷阿俾爾彌爾性毛傳訓彌爲終篇
卽淵說文淵迴水也從水象形左右岸也中象水古文四

此字從水在州中與說文義合淵淵卽秉心塞淵之義葵
疑卽葵字葵爲衣之著於外者與裘字義同博古圖齊罇
葵字數見舊釋爲恪非誤卽卹字左傳襄二十八年與晏
子卹殿其卹六十杜注卹殿齊別都蓋所賜都卹皆卹殿
邊卹之邑說文卹古文作卹卹卹本一字故卹訓塞後人
加邑爲卹卹古卹但作卹也侯氏從告之曰以下乃所受
冊命之辭鞏子某曰以下儆戒其子孫之辭某卽葉省詩
長發傳云葉世也陳碩父師謂葉從某聲某從世聲故某
世同訓萬邁古本一字葵器萬年之萬有從徙者此書作
邁字與上萬年同字異訓邁至猶言邁往莊八年左傳引
書皋陶邁種德杜注稱皋陶能勉種德邁勉也與邁相之
邁意同辭卽嗣說文辭籀文作辭辭籀文作嗣凡葵器司

寇司馬之司繼嗣之嗣皆作嗣俞卽邈省改下一字半餘
細審似卽鞏下一字則作器者名不可辨矣鞏叔之孫或
以祖字爲氏故稱鞏子認說文誠也邾公鐘威忌阮氏釋
爲敬忌此云畏忌義同四事卽指下大攻大事大徒大僕
言天古𠂔字卽暨省無專鼎嗣仁或釋爲司空此作攻卽
工之異文支旁𠂔旁古人隨意增損之攻空同音相假也
大事疑卽曲禮大士司士之官說文訓士爲事事士同音
同義相假借也𠂔說文古文旅周禮大司徒辨邦國都鄙
之數此從𠂔從都省疑卽徒字大率卽大僕周大僕遷父
敦僕作𠂔與此正同可更之更卽使字使事古本一字周
禮凡縣鐘磬半爲堵全爲肆說文堵以二金樂則鼓鑄應
之蓋諸侯軒懸有鑄卿大夫判懸則無鑄鞏氏用鑄或出

齊侯特賜猶晉侯賜魏絳以二肆之半故作器者銘告其子孫

胡石查說成字下疑是勞字古勞字從縈省取經營之義見朱氏說文通訓定聲衣糸義相近薛款識齊侯鐘要縈朕行墓縈其政事皆勞字舊釋恪誤

楊秋涓說雋案鼓左第一字銘中凡三見並有泐畫就器諦視互勘爲饒正齊作鞞字當爲鞞通鮑考工記攻皮之工鮑注云鮑或書鞞倉頡篇有鞞聲此銘作鞞是其同聲字說文甸從包省聲言部詢之或體爲鮑可證也說文於陶專訓陶邱甸乃陶器之本字然經典皆從陶其通假尤眾考工記鞞人爲鞞陶鞞可農云鞞陶鼓木陶或爲鞞康鼓匡釋名鞞者空虛之言也卽本其義故虞臣鞞陶字曰庭堅以實爲訓正與空虛義相反更可爲鞞鞞鞞同字之

證

竊謂此銘舉叔卽鮑叔舉袍本字鮑其借字作器者乃叔牙之孫莊子之父也其上一字左畔亦微泐諸釋爲辟細審確爲鑿銘中亦三見辟猶文辭同側又通嗣辟舉叔之孫適仲之子當連讀猶言嗣孫嗣子也鮑氏本世卿故下文云葉萬年戶辟子孫勿或渝改又云余爲大工及大事大徒大僕是辟皆嗣續義也左傳范宣子云句先君守官之嗣也義同如以爲辟姓則旣云辟舉叔而下又云舉子綸爲不辭矣用求考命彌生與用祈壽老母死爲僊語衆爲篆文求甚明燎亦勿庸鑿釋國語韋昭注叔牙姒姓之後鮑敬叔之子敬叔當卽銘中聖叔音義並通且三世皆娶於姜其非公族可知史記言其子孫世祿於齊有封邑者十餘世銘中備述錫邑事亦與之合惜世本闕其譜

系見於春秋傳者僅有叔牙之曾孫莊子牽衣子國及國之孫牧而其子若孫皆無可稽賴此鐙始得詳其世次又知其易名爲惠古器之可寶貴如此

工吳王鑑銘

器於同治中代州蒙王村出土銘十三字鄉甯楊氏所藏原釋云攻吳王大磔嚴畢吉金自作御監

代州志州東蒙王村啟土遇古冢所得今爲楊學博篤購去制圓雙耳四環高今尺一尺二寸口徑二尺一寸二分重今權七十四斤銘曰工吳王夫差者工吳卽句吳也史記吳太伯世家太伯之奔荆蠻自號句吳漢書地理志師古注句音鉤夷俗之發聲亦猶越爲於越也左傳宣八年盟吳越而還疏云句吳句或爲工此銘作

攻吳攻工同聲字可證疏語之有本說文差從左從叕
此銘上作心下作心當是嗟字嗟篆本作𠵽此省左言
二字合爲𠵽又𠵽之中畫耳易大畫之嗟荀本嗟作
差詩穀旦於差韓詩差作嗟並見經典釋文是二字古
互用矣爨說文引給也此借爲擇畢說文木末也讀若
厥此徑用爲厥其曰御簋禮王制天子千里之內以爲
御注御謂衣食荀子天子御縱諸侯御茶注器用之名
尊者謂之御也嘗疑越滅吳後太伯之裔散居代北故
漢志代郡有延陵縣其仕於趙者襄子時有延陵生見
韓非子孝成王時有延陵鈞見史記明是季子宗族而
此器出夏屋山陽其有墓當在代北莫居以前豈楚隆
通使之時夫差子姓有隨之同出圍城者抱器北歸歟

而葬此遂以爲殉也歟

代州志補遺銘文鑑篆作盥與金刻簋字絕似而其器形則大不類後乃識爲監卽古之冰鑑也周禮凌人春始治鑑凡內外饗飧之膳羞鑑焉又祭祀共其冰鑑注鑑如甄大口以盛冰置食物於中以禦濕氣釋文本亦作監說文鑑大盆也此器上侈下弇正作盆形與許鄭說合博古圖列唐鑑作玲瓏形其漢鑑有說而無器此更出於三代也王下二字初釋夫差亦未審禮諸侯不生名吳方僭王必無稱名之例且上字明是大非夫下字疑爲磔月令季春命國僦九門磔攘以畢春氣季冬大僦旁磔出土牛以送寒氣又王居明堂禮仲秋磔攘以發陳氣爾雅祭風曰磔孫炎曰披磔其牲以散風也

案磔牲亦謂之辜周禮所謂以醢辜祭四方百物者漢書地理志左馮翊雲陽有越巫貼鄴祠三所孟康曰貼音辜磔之辜越人祠之是辜鄴卽禮之磔攘今本作貼當爲辜古文貼之譌字吳越鄰國習俗大抵相同當時必甚重此禮故曰大磔其作此鑑以盛磔牲者器之大至容粟一石二斗一升七合有奇幾於函牛之鼎矣謹案齊鑄吳鑑無關晉故以皆近年出土之器故並列入至若故家藏弄難於周知閒得搨本又不悉其淵源當別輯爲書此篇概弗登焉

秦平陽斤銘

平湖高氏舊藏器銘一百三字舊釋云廿六年皇帝盡并兼天下諸侯黔首大安立號爲皇帝乃詔丞相狀綰濟度

量則不壹歟疑者皆明壹之元年制詔丞相斯去疾漢度
量盡始皇帝爲之者有刻辭焉今襲號而刻辭不稱始皇
帝其於久遠殿如後嗣爲之者不稱成功盛德刻此詔故
刻左使毋疑 平陽斤

薛氏款識考古云案秦本紀始皇二十六年平六國號皇
帝一法度衡石丈尺丞相綰者王綰也二世元年皇帝曰
金石刻盡始皇帝所爲也今襲號而金石刻辭不稱始皇
帝其於久遠也如後嗣爲之者不稱成功盛德丞相臣斯
臣去疾御史大夫臣德言臣請具刻詔書刻石因明白臣
昧死請制曰可始言金石刻而卒止石刻據此云故刻左
則史記石字當爲左也丞相去疾者徐廣曰姓馮案釋山碑作金
石刻因明白則史記文乃脫金字又倒石刻古器物銘云
爲刻石耳此器所刻非全文未可據以糾史

世所謂秦權至多銘文悉同歐陽集古錄載祕閣校理文同家有一銘其一乃銅環上有銘循環刻之不知爲何器余嘗考之亦權也案漢書律厯志五權之制圓而環之令之肉倍好者周旋無端周而復始無窮已也孟康注以爲錘之形如環也然古權亦有如今稱錘相似者蓋形制不齊取其便也

積古齋款識器舊藏平湖高文恪士奇家今不知所在案毆字見石鼓文薛氏釋爲也江鄭堂云毆繫之省左隱元年傳公曰爾有母遺繫我獨無杜注繫語助是繫字當屬上讀元謂鄭堂之說是也繫猶已已也皆語助之辭若如俗讀屬下句則注當云繫發聲也如襄十四年傳王室之不壞繫伯舅是賴注則云繫發聲而隱元年傳注則云語

助杜意段字屬上爲句也得此斤銘可以證古義矣

漢

汾陰侯鼎款

器今不知所在銘三字汾陰侯

薛氏款識鼎得於鄆縣民家井中鼎小似陪鼎以蓋脚薰
燒者也刻其側曰汾陰侯汾陰侯是漢御史大夫周昌也
以高帝六年封昌卒謚悼侯其子開方嗣謚哀侯未知是
昌之鼎歟開方之鼎歟

汾陰宮鼎款

器今不知所在蓋銘十五字曰汾陰共官銅鼎蓋十枚
重二斤八兩器銘三十七字曰汾陰共官銅鼎十枚容
斗重十斤汾陰宮銅鼎一容一斗重十斤平陽一斗鼎重

十斤第廿三

薛氏款識案前漢地理志河東郡屬有曰汾陰有曰平陽而平陽有鐵官此云汾陰官則官之在汾陰者也考其銘識既曰汾陰共官銅鼎二十枚又曰汾陰官銅鼎一者二十所以舉供官之數而一者舉其隸於官者也又曰平陽一斗鼎重十斤蓋平陽有鐵官此乃紀所鑄之地耳曰第二十三者總其器之在汾陰者爲之次不必言鼎也案西漢郊祀志孝武皇帝始建上下之祀營泰畤於甘泉定后土於汾陰而神祇安之則作宮於汾陰者以祀后土之所是宜有列鼎之薦而此特其一器耳銘文稱供官銅鼎亦以明朝廷祀典之物非私享耳

謹案漢平陽故城在今臨汾縣西南二十里汾陰故

城在今榮河縣北九里后土祠在汾陰故城西北二里薛氏定此鼎爲汾陰厲神之器考太平記萬歲宮在寶鼎縣北九里漢官也宣帝神爵元年幸萬歲宮神爵翔集寶鼎卽今榮河縣治縣北九里則與漢故城同所官在汾陰城中故銘云汾陰官薛氏以后土祠當之未審也

平周鉦款

器今不知所在文十七字面文平周金銅正重六斤六兩背文平定五年授圖陰

薛氏款識古器物銘云鉦背文云平定五年受圖陰

案事本受

作受陰

士大夫頗疑前代紀年無有平定者余嘗考之璽

非年號也按漢書地理志平周平定圖陰三縣名皆屬西

河郡國陰漢惠帝五年置蓋此鉉先藏平周後歸國陰復以授平定故再刻銘耳所謂五年者當是景帝以前未年號時也前世既無平定年號而三縣皆隸西河故知其如此又師古曰國字本作囿縣在囿水之陰因以爲名王莽改爲方陰則當時已誤爲國今有銀州銀水卽是舊名猶存但字變耳其說出於酈道元注水經今按茲器當時所刻乃爲國字然則師古何所依據遂以爲國字恐亦臆說也

案說文無囿字其字下云讀若元當卽國之本字因字形而變爲國又因聲而誤爲國也漢官印有國陽宰開母廟石闕列名有國陰馮寶字並同此銘

謹案東觀漢記永元五年西河郡自平定南徙五百九里治離石離石今永甯州則郡舊治之平定當在今偏關縣西河套以內平周史記正義引十三州志

在汾州介休縣西五十里似是東漢與郡並徙之縣其本治必在臨永以北西河郡本武帝元朔四年割太原上郡諸縣以置者所領三十六縣皆跨河左右也銘云平定五年據漢表平定侯齊受以高后元年四月封此當爲侯受紀其建國之年其器則爲平周所作又在前矣或以爲西河郡治平定之五年乃武帝之元狩二年也可備一說

周陽侯甌款

器今不知所在銘三十三字舊釋云周陽侯家銅三習鑄甌鍤一容五斗重十八斤六兩師治國五年五月國輸第四

薛氏款識考古云說文鍤釜大口者鍤上有甌故曰鍤甌

言三習鑿者習重也其制三重漢恩澤侯表有周陽侯二淮南王長舅趙恭孝文元年封六年免孝景太后弟田勝孝景後二年封儋子祖元狩三年免文曰師治國五年自以侯受封嗣位之年數也文字疑宣帝時器皆無可考古齊敦識案鑿字通鑒器也

東觀餘論此西漢時器在文潞公家字畫細淺難拓今以搨書紙帖器上就摹之殊不失真也

周陽侯鍾款

器今不知所在銘十九字曰昨邑家令周陽家金鍾一容十斗重卅八斤第卅

薛氏款識右銘藏歐陽文忠公家銘曰周陽家金鍾漢器亦有周陽侯甌蓋一時物也

漢金石文字記漢元延銷文云十五斤八兩以今權權之祇得八斤文云三斗以今量量之祇七升七合宋陳后山談叢載畔邑令周陽家金鍾容十斤重三十八斤以今衡量校容水三斗四升重十九斤則是漢之衡與宋約輕其半量不及十之四而今之衡量與宋相等也

謹案畔邑家令薛書誤令爲今說亦不詳考漢制列侯所食縣曰國皇太后皇后公主所食曰邑百官公卿表諸公主每主家令一人秩六百石此蓋當時公私有食於畔邑者而周陽侯爲其家令故作器時並著之水經凍水西過周陽邑南注其城南臨凍水北倚山原漢景帝以封田勝爲侯國括地志在今開喜縣東三十九里

史記索隱誤以爲上郡屬縣案地理志上郡之縣乃陽周也

首山宮鐙款

器今不知所在文二十四字舊釋云蒲反首山宮銅鴈足八寸登重六斤永始四年二月工賈慶造

考古圖器藏京兆李氏漢宣帝時器地理志蒲反有首山祠其宮卽祠宮也

謹案永始四年爲成帝卽位之二十年云宣帝誤荳鐙之省文舊釋作蓋考鐙之制下承以盤雁足其柱也上別有蓋以炷火略與今燭臺相仿蓋無所施首山宮漢武紀元封六年作在今蒲州首陽山

館陶釜款

器今不知所在文二十一字舊釋云河東所造三季銅慶釜重十二斤長信賜館陶家第二

薛氏款識銘云長信賜館陶家案漢書外戚傳文帝實皇后女封館陶長公主又百官公卿表長信詹事掌皇太后宮景帝中六年更名長信少府張晏云以太后所居宮爲名也居長信則曰長信少府居長樂則曰長樂少府此則景帝時宮爲長信實太后居是宮無疑也銘雖無年月然其爲太后賜館陶公主亦無疑也

甘泉內者鐙款

器今不知所在文大字四曰甘泉內者下盤小字二十七曰內者元康二年三月河東安邑守者宣工軒造重二十

五斤十一兩

本工誤作王

薛氏款識器藏京兆陳氏考古云甘泉上林皆水衡所掌內者猶令丞少府之屬掌巾布張階衣奄人職也

甘泉上林宮行鐙款

器今不知所在薛氏云藏京兆呂氏惟承盤存文二十八字曰河東爲甘泉上林宮造行鐙重六斤十兩五鳳二年
晉夫山工誼作第一

謹案館陶金及甘泉二鐙皆河東供官銅器詳造器之官與所造之地記所謂物勒工名以考其誠者也故著錄於西漢諸器之末元康二年宣帝卽位之年五鳳二年其十八年也

慮虎尺款

器爲衍聖公府所藏文十四字云慮偏銅尺建初六年八月十五日造

積古齋款識江都閔義行所藏後歸乳東塘民部尙任今

在衍聖公府中案新城王尙書居易錄云漢章帝時冷道
舜祠下得玉律以爲尺與周尺同因鑄爲銅尺頒郡國謂
之漢尺此或其遺歟吳江沈冠雲形箸周官田祿考未見
建初尺然其所繪古尺圖與此尺正同冠雲云右圖摹宋
秦熹鐘鼎款識冊所載冊又載尺底篆文銘云一周尺漢
志劉歆銅尺後漢建武銅尺晉前尺並同案高若訥依隋
志定十五等尺第一周尺卽此也蓋此與後漢人所定周
尺爲近古且最著云江甯周慢亭集云曲阜孔氏所弄銅
尺重今廣法平十八兩面廣準此尺一寸側厚準此尺五
分與冠雲所用尺同然則建初尺與建武尺同矣慮虜郡
國志屬并州太原郡顏師古音爲盧夷案當云地理志孔民部云
建初銅尺與周尺同當古尺一尺三寸六分當漢末尺八

寸與唐開元尺同當宋省尺七寸五分當浙尺八寸四分
當明部定官尺七寸五分弱當今工匠尺七寸四分當今
裁尺六寸七分當今量地官尺六寸六分當今河北大布
尺四寸七分余之能定者以有建初銅尺也以上諸說皆
精覈元視學山左贊借觀之范銅摹造一尺藏於家

兩漢金石記案隋志列十五尺一周尺卽劉歆之銅尺建
武之銅尺祖沖之之銅尺荀勗令劉恭所造之尺謂之晉
前尺者是也二晉田父玉尺則世說所稱田父於野中得
周時玉尺者也此比晉前尺爲一尺七釐矣四漢官尺卽
以文學奚景所得舜祠下玉律而度之與始平尺同此則
比晉前尺爲一尺三分七釐未嘗明言得周玉律以爲尺
謂之漢官尺也玉海所云相傳謂之漢官尺者是後人謂

之非傳入自謂也然建武銅尺卽晉前尺漢官尺卽晉始
平尺今所見建初此尺則因可以證建武及周尺者耳

又云建初六年爲章帝卽位之六年辛巳上距建武五十
餘年矣然余嘗準此尺以度王莽時貨布及漢時諸器無
不吻合者此以知建初尺與劉歆建武尺皆不相遠而周
尺之制亦可以類推明矣尺上陰款字在篆隸之間尺字
下一筆微作側勢今曲阜有摹本則作正筆矣

五臺縣志縣故漢慮虜縣也城舊建慮虜河北岸元魏
徙置於河南岸

平陽侯洗識

餞徵阮氏所藏器文七字漢安平陽侯

五字直書永用二字左

積古齋款識案漢安後漢順帝之號平陽侯後漢有二一

爲曹宏據漢書列傳及表故平陽侯本始子宏舉兵佐軍
建武二年復故封曠嗣曠後無聞後漢書后紀永平三年
封平陽公主公主明帝女適大鴻臚馮順又馮勤傳建初
八年順子奮襲主爵爲平陽侯奮無子兄勁爲侯勁子卯
嗣勁嗣延光中爲侍中子留嗣延光安帝之號則漢安之
平陽侯乃留也

謹案此器篆文最爲譌異如安作𠂔永作𠂔非以文
義推測幾不識爲何字矣

新莽權銘

器久亡文八十七字款云律權石重四鈞其銘云黃帝初
祖德市于虞虞帝始祖德市於新歲在大梁龍集戊辰戊
辰直定天命有民據土德受正號卽眞改正建丑長壽隆

崇同律度量衡範當前人龍在己巳歲次實沈初班天下
萬國永遵子子孫孫享傳億年

魏書律歷志景明四年并州獲古銅權隋志後魏景明中
并州人王顯達獻古銅權一枚上銘八十一字其銘云律
權石重四鈞又云黃帝初祖云云此王莽所制也其時太
樂令公孫崇依漢志先修稱尺及見此權以新稱稱之重

一百二十斤新稱與權合若符契於是付崇調樂

北史景穆十二

王傳中尉王顯奏元匡云匡表所據銅權形如古誌明是漢作非莽別造及案權銘云黃帝始祖德布於虞虞帝始

祖德布於新若莽佐漢時事甯有銘新之號哉又尋莽傳云莽居攝卽變漢制度考校二證非漢權明矣

兩漢金石記案王莽初始元年卽居攝三年戊辰也其年
十一月戊辰莽至高廟拜受金匱還坐未央宮前殿下誓
日以戊辰直定御王冠卽眞天子位定有天下之號曰新

其改正朔易服色變犧牲殊徽號異器制以十二月朔癸
酉爲始建國元年正月之朔以鷄鳴爲時服色配德上黃
犧牲應正用白使節之旄幡皆純黃注以戊辰直定者以
建除之次其日當定也以鷄鳴爲時者以十二月爲正以
丑時爲十二時之始也以土繼火故尙黃萬物紐芽於丑
其色白故應正用白也此銘云龍集戊辰此句謂戊辰年
也又曰戊辰直定此句謂戊辰日也又曰龍在己巳則謂
以銅量班行郡國在始建國元年己巳也 龍卽稽字亨
卽亨字市字則摹本之旁舊有釋云市字以愚意非市字
也說文米艸木盛米米然象形八聲讀若撥當卽此字也
此米字隸作𥽿而與米不同米讀若韻分米莖皮也顧南
原隸辨云從米之字𥽿變作沛譌經市或譌米相混無別

也蓋沛肺飾皆從米索姊之類亦皆從米而隸辨又云說文米字從中從八隸變作米亦作𥽿南索字皆從之姊從米從一或作姊則與從市之字無別矣此銘云黃帝初祖德市于虞虞帝始祖德市於新則卽淳發茂盛之意漢書王莽傳遣五威將王奇等十二人班符命於天下曰新室之興也德發祥於漢三七九世之後肇命於新都受瑞於黃支此文曰德市于虞德市於新卽此類文法無疑也

謹案隋志述權銘八十一字而戊辰直定句遺戊辰字則止七十九字其並律權石重四鈞六字通謂之銘又不止八十一字矣德市于虞德市于新市志作市新志作辛或傳寫之異天命有民作有人則避唐諱而改也翁氏之器則量也所釋市字較史文爲市

爲布二義特精又得據以證史文之脫誤雖篆僅具體亦可以想見其制作矣又考積古齋有莽權二器其款皆有律石衡及始建國元年正月癸酉制字而無銘詞阮氏釋律石衡爲官名然不見於漢表據此器作律權石又薛氏款識有始建國元年注水匱作律斤衡而翁記量銘後有斛斗升合龠款識五段每段皆有律嘉量字若如阮說則一器一官恐非事理蓋權量皆應鐘律而作故冠以律字其下乃紀其名與數此權重百二十斤故曰律權石又申之曰重四鈞也古以百黍爲銖二十四銖爲兩十六兩爲斤三十斤爲鈞四鈞爲石以今權相較大約古三十一斤祇得十六斤

後魏尙方黃金台盤銘

器久亡銘四十八字曰九州致貢殊域來賓乃作茲器錯用貝珍鍛以紫金縷以白銀範圍擬載吐燿含眞纖文麗質若化若神皇上御之百福惟新

魏書食貨志自太祖定中原世祖平方難收穫珍寶府藏盈積和平二年秋詔中尙方作黃金合盤十二具徑二尺二寸縷以白金鈿以玫瑰其銘云云

謹案和平二年爲文成帝卽位之十年時方都平城今大同府爲代京全盛之時五朝志左中右三尙方統於太府皆有令丞而不見於魏書官氏志亦史疏也

北齊馬首山鏡銘

背銘六十字篆書陽識文云內清質以昭陽光輝象夫日

月心忽煬顛忡然離太京 妙皎光无耀美扶佳都无永
閒悅驩察无患予爰存神无不睹得並製无不應精照折
无分侍君乎止

右光緒壬午絳州人得之馬首山東麓者今爲鄉甯楊氏
所藏鏡徑今尺五寸六分銅色斑駁半爲紅暈蓋殉葬物
背鼻純素鼻外輪三重皆有郭銘文周迴界以雙絲次輪
二十一字外輪三十九字篆書閒雜隸體古勁離奇絕類
漢器玩其詞意當是宮中所作其云忡然離太京忡銘作
忠與質
作昕陽作昉悲作佳同聯
卽聖字亦同聽此並可通京原古通禮趙文子觀於九原
本文及注亦別作九京此太京卽太原也地爲高齊別宮
所在疑卽其時所作也古鏡銘語多吉祥此銘獨危以厲
豈後主幸晉州時宮嬪從者偶以殉身歟嗚呼高氏兄弟

骨肉戕殘宮闈汗亂其慘穢直無人理後主繼以奢淫當時大明宮十二院莊麗踰於鄴下歲常數至及夫黃華既落琵琶別彈鏡殿香閣無復片瓦而此一塊銅猶得流散人寰觀其情詞迫切團扇之怨彤管之箴殆兼有之卽壺盧中月對之猶形愧色況邪利小憐輩哉

隋汾陰古鏡銘

銘二十四字隸書

太平廣記汾陰侯生天下奇士也王度常以禮師之生將終出古鏡贈度鏡橫徑八寸鼻作麒麟蹲伏之象繞鼻列四方龜龍鳳虎依方陳布四方外又設八卦卦外置十二辰位而俱畜馬辰畜之外又置二十四字周繞輪郭文體似隸點畫無缺而非字書所有生云是二十四氣之象昔

者吾聞軒輶鑄十五鏡其第一鏡橫徑一尺五寸法滿月之數以其相差各校一寸此第八鏡也

出古鏡記文不具錄案度龍門人文

中子之兄也

唐開元寺銅鐘記

天祐十二年 正書陰款今在澤州府天慶觀

款云昭毅節度澤潞磁邢洺等州觀察處置使開府儀同三司檢校太傅兼侍中潞州大都督府長史上柱國隴西郡開國公食邑一千五百戶李嗣昭新鑄澤州開元寺銅鐘記夫晨鐘夕梵文二音於鷲峯慧日法流轉雙輪於鹿苑是以恩霑萬類化備千魚聞之者解脫湮淪製之者惟宏福祚我府主侍中德推賢德明洞英明勲業至隆政績彌厚一自鎮臨茲府不暇修崇綿厯歲時堅營勝事昨於

龍興寺親垂植度大建鴻爐開寶庫而捨俸金徵哲匠而
鑄神器不移兩月之內新舊獲鐘四口各餘萬斤內一口
綠澤州元無化銅至府缺就陶鈞可表金石至堅人人合
契聲流九地遐宣厚缺之恩韻徹三天遠播層旻之德曉
羣生於覺路缺庶品於迷途並勒銘文芳傳不朽伏願侍
中萬代康甯法界缺同霑此福天祐十一年七月十三日
鳳臺縣志嗣昭範鐘四此其一也書係陰款雖剝落數
字尙可辨識鐘舊在開元寺前明寺廢移於天慶觀考
五代史天祐五年梁主入澤州以兵攻潞爲存助所破
梁將康懷英遁歸時晉攻澤州不下中間取澤年月史
傳失載據鐘記可以補史闕文

宋覺成寺銅鐘記

天聖七年三月 今在河津縣

河津縣志宋大中祥符六載邑人李氏子展施緡市銅鑄鐘於寺于時今府尹劉公煜實宰是邑歲踰一紀擊失其度壞而廢之舊檀施善緣將新其事府尹創章上言朝俞其請知縣成顯奉命轄諸範金者時天聖七年季春鐘上鑄有龍圖閣直學士朝請大夫刑部郎中知河中軍府彭城縣開國伯賜紫金魚袋劉公全銜施主姓氏鑄鐘工匠寺僧其邑令成顯春秋二十二登甲科授廷尉評出宰斯邑

案縣邑造鐘至於府尹奏請縣官監鑄當時民間禁用銅器故也

右銅器款識

春秋晉刑鼎款

晉頃公十三年

春秋左氏傳

昭公二十九年

冬趙鞅荀寅帥師城汝濱遂賦晉國

一鼓鐵以鑄刑鼎著范宣子所爲刑書焉

季漢關公刀銘

文二萬人

刀劍錄關公爲先主所重不惜身命自採都山鐵爲二刀
銘曰萬人及公敗投之水中

魏郭淮刀銘

文三宜爲將

刀劍錄郭淮

別本作維

於太原得一刀有銘後遂爲將軍及與

蜀戰敗失此刀

後魏

昭成帝刀銘

文二赤冶

刀劍錄昭成帝拓拔健

案當作拓拔什翼健時爲代王都雲中

以建國元年

於赤冶城鑄刺刀十口金鏤赤冶字

道武帝劍銘

文二鎮山

刀劍錄道武帝以登國元年於嵩阿鑄一劍銘云

明元帝劍銘

文二太常

太武帝劍銘

文二眞君

刀劍錄明元帝以太常元年造一劍長四尺背銘曰太常至眞君有道士繼天師白爲帝造劍長三尺六寸隸書因

唐

改元貞君案此條語有脫誤太武帝崇奉道士寇謙之為天師改元太平真君似隸書上常有銘曰太平貞君字又諱之卒於真君九年當改元之初安得有繼天師者錄又載宣武帝創銘則在遷洛後矣

平陸古鐵戟款

文二平陸

元和志平陸縣本漢大陽縣後改河北天寶元年陝郡太守李齊物鑿三門山路於所開濱中得古鐵戟若鏃然上有古篆平陸二字由是其年二月改爲平陸

貞觀鐘識

貞觀元年 今在孟縣城北高神山麓見縣志

鄂公鐵馬鞭款

文八貞觀五年尉遲敬德

李昌符詩集長慶二年義成節度使賈華進獻曰得之汴
水昌符詩云漢將臨流得馬鞭鄂公名字舊雕鐫

案敬德
朔州馬

人

晉陽龍鐵鑑銘

背銘四十三字正書陰款云山龍賈林已酉歲八月幾望
身王休合二金二鑑有四兩規三咫神先生銘之曰鑒容
儀永保其真晉陽之銅

謹案紀年首四字不知所謂唐貞觀廿三年景龍三
年大厯四年太和三年龍紀元年俱已酉亦不知爲
何年也王休當是作鏡者名風俗通神姓神農之後
姓苑瑯琊有神氏此神先生或以爲託名若然則與
身王同爲亡是公而山龍賈林或卽容成侯之別署

矣銘曰晉陽之銅而博古題爲鐵鑑所謂合二金也
云二鑑有四兩則重三斤四兩其規三咫則徑八寸
密率徑七寸六分二釐強而博古云徑八寸三分重二斤一十四
兩則是宋之尺短於唐而權又大於唐矣

後唐普恩寺鐘識

清泰三年 今在大同府城東南寺中見府志

宋

雍熙鐘識

雍熙二年 今在鄉甯縣西寺上村

汾陰鐵人題字

大中祥符四年 今在榮河縣

蒲州府志金人凡四舊在榮河縣城中宋御製汾陰二

聖配享碑前土人呼碑爲蕭牆故縣舊志謂鐵人在蕭牆前也人高各六尺云於祀時用爲頂焚鑪之具明晚時縣人以河水數漲懼爲患共言於官云鐵人能壓水災因移西門外河側以鎮之 榮河縣志李棟宋太和宮蕭牆下四金人詩云祥符四年字摩挲字半存

晉祠鐵人題字

二紹聖年一政和年今在太原縣晉祠

金石文字記祠前蓮花臺上有鐵人四一紹聖四年一五年造俱完一宏治十一年一無年月俱壞今之工不及古也

曝書亭集太原縣唐叔虞祠西南隅聖母廟階下鐵人四長九尺分兩行侍立胸前有字銘鑄歲月是政和年造文

既率字亦麤醜無足取者倦圃鋤菜翁以金石之文石多金少款多識少遂揭摹而裝潢之此燕人之市馬骨者也

謹案四鐵人惟北上一人胸前字較多亦最明煒當卽竹垞記中所指者然是紹聖年所鑄其政和年者字稍漫漶亭林謂無年月偶未審也

廣教寺鐘識

明道元年 今在聞喜縣沙渠村見縣志

藥師院鐘識

政和年 今在臨晉縣學宮前見縣志

玉案寺鐘識

政和年 今在聞喜縣城內鐘樓見縣志

金

貞元鐘識

貞元三年 今在潞城縣城隍廟見縣志

福巖院鐘銘

大定三年 今在鳳臺縣東南青蓮寺

鳳臺縣志鐘銘云北齊天保曇始法師創立道場至金

大定六百年中間高僧繼起項缺梵鐘寺僧惠珍選工

陶鐸命僧開悟爲銘皆大定三年歲次癸未十一月甲

子朔二十七日甲寅記按曇始北齊高僧寺所由始府

志辨爲始於慧遠卽晉遠公不知此另爲一人係曇師

弟子由齊周入隋非晉之慧遠也

巖院鐘銘

大定八年 今在代州城內鐘樓州人王璧撰文

代州志靈岩院今不知所在鐘亦不知何時移之城內
撰銘之王璧無結銜以文有微里字知爲州人鐘甚巨
懸梯其側始可捫讀字多殘闕銘前有序用駢體最能
成誦書則俗工所爲無足觀也

大定鐘識

大定十年 今在繁峙縣城內文昌閣

繁峙縣志鐘列各寺主僧有洪福院正覺院聖水院觀
音院李牛院眞容下院香巖寺大概皆宋時所建者鐘
不知爲何寺物

寶應寺鐘銘

大定中 今在陵川縣

陵川縣志鐘爲金貞元中狀元中順大夫南京路兵馬都總管承定軍節度使趙安時所鑄自爲銘

寶峯禪院鐘識

泰和元年 今在河津縣署真武樓見縣志

迴鑾寺鐘識

泰和七年 今在介休縣

曹學博子勤有此鐘搨本文大字六行云口口率爲皇帝萬歲文武千秋國泰民安法輪常轉法界眾生同登覺岸

此鐘款
常語

後二行字差小一云鐘重一萬餘斤一云泰和歲

次丁卯癸丑月丙寅日造下有張瓊二字又小字一行云當里寫字人張瓊妻武氏字陽識冶工不精僅存間架婦人書見於前人箸錄者只唐房璘妻高氏所書太谷令安

延堅美政頌交城縣石壁寺鐵彌勒像頌二碑而此爲金文書雖不工亦足異也

后土祠鐵醮盆識

天興二年 今在鄉甯縣城內

元

正覺禪院鐘識

至元十四年 今在繁峙縣城內寺中見縣志

天王寺雲板識

無年月今在大同縣東大旺村普光寺

大同縣志板鑄大元國興和路宏州歸仁鄉大旺村天

王寺當時村屬宏州也

案宏州元史地理志屬大同路此云興和路當是初制亦足補

史文之略也

右鐵器款識

虞方足貨

文三虞一鉞又虞半鉞

晉泉貨錄虞方足貨六品文皆倒書一面背俱有郭二面有郭有好文均自左讀作𠄎三四有好五背有郭六絕小有好文亦自左讀曰虞化半金虞篆作𠄎𠄎𠄎𠄎𠄎𠄎各形貨作𠄎金作全並同案刊者𠄎也𠄎者吳也𠄎乃貨之省書懋遷有無化居從化去貝可證凡刀布化字皆倣此一金言此品直一金半金者直前品之半也半金貨爲古布所僅見或疑此爲虞國之布然形模與列國小布不類且皆倒書類安邑布蓋有虞氏之物也

謹案上古范金以通有無曰貨書懋遷有無化居化

卽貨之省文也後世名其圖而穿者爲泉長而環者爲刀首而足者爲布亦謂之幣詩抱布貿絲毛傳曰布幣也正義引植弓注云古者謂錢曰泉布所以通布也今其流傳於世者有方足銳足圓足諸形其文曰一釧曰二釧戴文節公古泉叢話以爲卽貨字以金爲貨故字從金與從貝同義是也古人用字繁簡無定偏旁左右形體反正皆所不拘故其篆作釧又作𠩺𠩺亦或徑省作𠩺𠩺𠩺舊釋釧爲斤金近人始辨斤爲化之省而仍析作二字終不如戴說之直捷管子國蓄篇云人君鑄錢立幣民庶之通施也故春秋列國各自爲貨以通有無又著其都邑之名以示區別亦勢所必然者而大抵出於三晉者爲多王

氏彙錄首虞以爲有虞氏之物次安邑以爲夏后氏之物今仍其次而統於魏地諸貨不爲定論其倒書者或名爲歧首貨本乎文字以定形象於義頗正今亦仍王氏統於方足銳足不復別標名焉

安邑方足貨

文四安邑一鉤又安邑二鉤背文一安

或有
光字

彙錄七品

一鉤三品一二正書背複安字次安上有陰

文今字

二鉤四品一二正書背文與一鉤同三四倒書

安邑二字合文一作安邑故城在今夏縣北

十五里大禹所都路史舜禹皆都安邑蓋虞夏諸物也背複安字者贖金古布釋文言所以別於倒書者也不識不知之民豈諳文義正書倒書布之貴賤分焉卽背文以示

區別俾易識而無濫用前民利用之精義寓焉矣其說近理又背有陰文充字者言此布可充當贖金也

謹案原釋謂背文充字爲贖金甚確他布有梁充金

百

此字紀數文不一

當爰之文亦卽罰錢也與此互證知皆

爲七國魏所鑄魏都安邑後徙大梁故其制作相沿正書倒書無關時代背文複安義不可曉當從蓋關同治庚午榮河古鑄出土此布累累盈器一貨二貨皆數百枚而文背文並與譜同而無倒書及背文充字者可知倒書或由工匠戲爲而前人信爲舜禹故物者亦實所見不多有意珍奇也

蒲反方足貨

文四甫反一鉞

彙錄一品面背俱平篆文弟卽蒲反 詩地理考舜都蒲坂吉金錄讀爲涑城引左傳伐我涑川屬晉地其義亦通

謹案此布曾見有小品文平列作弟以蒲子布例之首字確是甫字疑爲輔氏左傳魏顆敗秦於輔氏輔省車與蒲省水同亦河東魏地也

鄭方足貨

文一鄭

析爲二字

彙錄二品面異背同一作鄭二作弟 吉金所見錄此布

劉晉園釋其文爲鄭爲春秋時魯地今此品出於山右或曰鄭字亦非愚意是鄭字左僖二年冀伐鄭三門杜注鄭地邑後屬晉 案故地在平陸縣東北二十里

各形十一左作桑右缺邑十二面文郾背文二十三面文
郾背文十 吉金錄釋爲疑邑疑字筆畫繁簡無定益信
古文增減不拘六書之法凡背文數目自一至十俱全此
僅見二品癖談云小幣幕非紀直也范之次第也不然大
小輕重相同何直一直十如此相懸乎攷厲王流於疑國
語注晉地又史記周穆王封造父於趙城徐廣曰在永安
杜預曰縣東有疑城漢河東郡疑陽嘉三年更名永安今
霍州趙城汾西境皆是也

案故疑城在霍州

大陰方足貨

文二大陰

平列

彙錄五品一陰字居中次中界直畫背文五三背文十四
五皆傳形文自左讀五面文作餘背文九 路史陰古國

名左傳哀四年使謂陰地之大夫士蔑注陰晉地然不名
爲大陰方小東云大陰太行之陰貨布考據漢志大陽在
大河之陽以此推之大陰當在大河之陰說皆可通案左
傳僖十五年晉陰飴甥會秦伯盟於王城注陰飴甥食采
於陰考元和志霍邑南十里有呂城霍邑本霍地漢順帝
陽嘉三年改曰永安博物記永安有呂鄉呂甥邑蓋陰飴
甥先食采於陰後並食呂邑也又靈石縣南有陰地關見
唐書則其地在古或名呂陰亦未可知地近霍州陰飴之
兼食呂城其以此歟

謹案春秋陰地自在河南但不得據漢志大陽直名
爲大河之陰大陽今平陸縣其名似沿魏都上陽下陽而起蓋陰在戰國爲
陰晉正與河東之陽晉對陽晉不名大陽豈可謂陰

晉名大陰乎

史記注陰晉今之華陰陽晉故城在虞鄉縣西三十五里

方氏以爲

太行之陰則其地與河內之山陽對王氏證爲靈石則其地在太岳之陰與禹貢之岳陽對而皆無確證案寰宇記大陰山在絳縣東南十里縣古治車箱城在大陰山北疑此大陰卽其地也縣北絳山出銅鉶其東備窮山出鐵鉶並見於記是自古爲鼓鑄之地故此布有方足銳足圓足較他布獨備小者如常布大或再倍三倍面文有正書反書旁書背文有豎數橫數重數亦較他布爲多當時製造之盛概可想見蓋地近國都物庶用宏其勢有必然者則大陰或是山名或卽邑聚名要在新故二絳間爲晉布無疑固無庸泥字義以斤斤求合也

平周方足貨

文二平周平列二字或旁書

繫錄十四品 平書三品一二面文同周作ㄅ次背文
三三傳形周作ㄅ背文二 旁書在右者六品一面文ㄅ
背無文次背文一三背文三四背文八五背文六背文
ㄅ平字中畫皆下穿周作ㄅㄅㄅㄅ在左者五品一面
文ㄅㄅ背無文次背文三三背文五四背文八五背文十
平皆作ㄅ周作ㄅㄅㄅ三體 史記魏襄王十三年秦取
我曲沃平周蓋魏地爲秦所并也道光中都中市古布甚
多皆新出土者就中此品字畫細如毫芒數千年竟未磨
滅亦僅見物也

大陰銳足貨

文二同前又文四大陰入化

彙錄二十三品 平書十六品一至十三面文整散微異

背文作川入山山山山山山山山諸數十四十五

面文並傳形次背文×十六陰字省右旁金 大陰八貨

三品面文並自左讀曰大陰八化化省作丿次八化字

在右足大陰字並有泐畫三化字全泐陰省金 大布二

品約準今大陰字並在左旁次面文陰字省乃背文三尺三寸

謹案八化字舊釋謂紀所值數言此八枚可抵古一

貨也或又讀爲八干皆非也說文訓八爲別分字從

之此八字當爲分與化字皆省文後世錢曰通寶言

乎其同也古人曰分化言乎其別也若如古泉

匯之說則他布所云一貨者其重或僅倍此而以此

八枚當彼一枚無乃相懸之甚且晉陽茲氏諸布輕
重大小亦不相同何緣皆有此文也背文紀數略如
古之算籌今之馬子王莽十布六七八作丁丁丁可
證也是布所紀較他布爲繁

平周銳足貨

文同前





彙錄十五品 平書六品次平作𠂔五平周作𠂔爲異背
文一六背文三 傳形七品面文小異背文一並同 旁
書二品一在右旁周省作𠂔一在左旁作𠂔𠂔背文三
昆都銳足貨

文二目都

平列

彙錄息都布一品面文作𠂔背文𠂔 此布舊譜所無右

一字或釋作西古泉匯作息引左傳楚子如息之息竊意
翼城有息都戰國時鄭太子故封疑此亦晉地所鑄非息
國也布有數品摹其一以待考焉

謹案彝器文目字皆作形此布正同與自作自字
全別疑此爲昆之省文昆弟之昆本字作上從橫
目爾雅釋親作今本作者從昆此又省弟字也
昆都晉地左傳狄伐晉涉汾及昆都當在今平陽境
戰國爲魏地若釋爲息字減心則以俗書定古篆未
有合也

大陰國足貨

大見前

錄錄二品文皆旁書在左次背文五字橫臥亦奇

智字空首貨

夕一誓

彙錄四品一二字在右三四字在左 此布頗多篆亦大同小異摹四品以概其餘路史國名記有智而未詳其地彙考引鄭氏通志荀首別食智邑 布類鏹形其首中空故俗呼爲鏹布古泉匯謂爲空首布吉金錄謂空處納柄抱以行市引詩抱布貿絲爲證貨布文字考謂空處納竹籤從穿孔橫貫令無脫皆近理

謹案鏹布皆一字不能定爲何地姑以經傳證之繫之魏布之末史記魏世家正義引括地志云故智城在蒲州虞鄉縣西北四十里古今地名云解縣有智城蓋謂此也

同出定爲趙布亦不考之甚矣

長子方足貨

文二郎子

平列

彙錄二品長一作料一作既左傳襄公十八年晉執衛

行人石買於長子春秋地名考周史辛甲所封國後歸晉

爲趙地

案史記趙世家成侯五年韓與我長子則地本屬韓也

其城爲丹朱所築故

名長子城因地名加邑旁

露方足貨

文一露

彙錄五品一二正書作鼎三省作鼎中一筆卽借布之界

畫又布首多一畫三旁書在右旁作鼎四旁書在左作

露卽露地理志春秋赤狄有潞子國後屬晉戰國屬韓

左傳宣十五年晉荀林父滅潞卽今上黨是也

謹案潞故國在今潞城縣東北四十里詩式微中露
毛傳以爲衛邑地固有名露者然以洪範霽鄭本作
濟例之露潞實可通凡地名從邑川名從水多後起
字以露爲潞之本字可也

屯留方足貨

文二屯留

平列

彙錄七品一至六篆小異七屯字傳形 屯卽純之省文
左傳襄十八年晉人執孫蒯於純留故城在今縣東南十
里

襄垣方足貨

文二黠垣

平列

彙錄十二品一至十襄家有形垣一作垣一作垣
背文有十一三入八三十三諸數十一十二傳形襄一作
梁一省作平 地志云襄垣故城以趙襄子所築故名卽
今縣北一里之韓城也垣字與圓法垣字同或屬一處所
鑄

高都方足貨

文二高都

平列

彙錄五品文皆左讀一至四都作次記皆小異五高
作高都省邑作高 史記蘇氏曰臣能爲君得高都紫隄
韓邑考故城在鳳臺縣東三十里水經注白水出高都故
城西是也

謹案今澤州府城本古高都舊唐書謂貞觀元年於

高都故城置晉城縣水經注云白水出城西者也至東三十里之高都鎮乃北魏所徙治之高都隋改爲丹川縣水經注丹水所經者也世俗每以地遠者爲古方志相沿遂與水經注不合

咎如方足貨

文二咎如

平列

彙錄二品一作咎咎省口二作咎兩字俱省 左傳成三年晉卻克伐厲咎如注赤狄餘民散入厲咎如故討之僖二十五年傳狄人伐厲咎如注赤狄別種

謹案厲咎如地杜注失所在細審此文亦可釋爲皋落史記皋陶之皋作咎石鼓文洛作各布文二事皆省去口而落之草頭移下又省作山尤離奇左傳看

侯使太子申生伐東山臯落氏上黨記在壺關縣東
今名無畢

留字空首貨

文一留

彙錄三品一二字在右三字在左篆與屯留布同

謹案公羊傳古者鄭國處于留韓得鄭全地留當在
國邑之內然與山右無涉王氏仍以屯留爲說茲姑
從之凡鏹布皆一字亦不能執一字地名爲定也

武字空首貨

文一武

彙錄一品篆文武其右旁戈卽借布中之界畫成字今長
子有武安城或晉幣

謹案古都邑以武名者不可勝數姑以三晉言之趙
有武平魏有武下韓有武始並見史記而皆不在山
西惟武遂近平陽可據以說此布楚世家昭睢曰秦
破韓宜陽而韓猶事秦者以先王墓在平陽而秦之
武遂去之七十里也又曰韓已得武遂於秦以山河
爲塞韓世家襄王六年秦復與我武遂案去平陽古城
七十里則在今臨汾縣西九十里正今之秦王山與
鄉甯縣界爲平陽以西出鉶之區漢書地理志平陽
有鐵官蓋自來冶鑄所在矣韓布之流傳最廣者以
平陽爲最實皆出於武遂故此布可斷爲韓故物也

晉陽方足貨

文四晉陽一鉶

書

彙錄三品並倒書一柄有好文作繒次陽作易餘同三晉
作凶陽反書作〇背文二斜書作、國語趙簡子使尹
鐸爲晉陽史記趙世家簡子居晉陽獻侯徙治中牟會
見皖江倪氏泉譜有小布徑五分文與大晉陽布無異
陽邑方足貨

文二陽邑

平列

彙錄二品陽字一作陽一作陽漢書地理志陽邑屬太

原郡

案故城在太谷縣東南十五里

祁方足貨

文一祁

彙錄四品一二篆微異皆左示右彡中有界畫三背文二
四左邑右示背文二同

中都方足貨

文二中都

平列

彙錄十一品一面文雖中無界畫二辨三辨背皆無文四
五一作辨一作辨背文皆一六面文同五背文三七面文
辨背文五字在左肩入至十面文小翼背文入八八十一面文
辨背文九左傳昭二年晉侯執陳無宇於中都故城在
榆次縣東十里曾於一友人處見此布甚多云昔年得
之介休市中聞係新出土者據此則爲晉布無疑古泉匯
引禮記夫子治於中都非也

謹案中都故城有三在平遙西十二里者元和志以
爲漢文故都在榆次東十五里志以爲高齊時所移
置晉執陳無宇之中都寰宇記引冀州圖云在介休

縣東北五里

鄔方足貨

文一鄔

析爲二字

彙錄十品一至三文作鄔大同小異三中無界畫四鄔五
背均無文六鄔背文一七鄔背文十八至十並傳形烏
旁微異內一品背文八 左傳昭二十八年司馬彌牟爲
鄔大夫案故城在介休縣東二十二里鄔城店史記韓信
破夏說於鄔漢志太原郡有鄔縣魏書地形志介休有鄔
城

茲氏方足貨

文四茲氏八化

彙錄九品一面文

鄔背文一二二面文鄔背文二三三面文鄔

背文△四至九並傳形文同前背有一八四山四形舊
譜釋爲茲氏古泉匯疑爲幾氏爲幾內之民所鑄至尖足
布有茲化二金茲字從草乃茲邑所鑄方小東云太原有
茲氏城見漢志仍當釋爲茲氏案茲氏城在汾陽縣南十
五里一名甄子城漢高帝更封沂陽侯嬰爲侯國史記夏
侯嬰食邑茲氏也

此布尖足者多
方足者不易得

謹案布文88亦作𠂔下十乃義文或是幾字史記趙
惠文王二十三年廉頗取魏幾正義幾魏地在相潞
之間然布文皆有氏字幾氏殊無所見古泉匯幾內
之民其說穿鑿難通仍依舊釋爲是

銅鞮方足貨

文二同是

平列

彙錄四品篆文同並作局是作𠄎𠄎𠄎𠄎 同是乃銅鞮
省左傳成九年鄭伯如晉執諸銅鞮杜注晉別縣路史羊
舌氏邑故城在襄垣縣西九十里

案在沁州南四十里

涅方足貨

文二涅金

平又文一涅析爲二字

彙錄大布一品文左讀作𣪠小布七品一面文涅次右偏
作呈三水旁作𣪠四至七傳形文並同前末品作𣪠 吉
金錄考水經注涅陽在西北歧棘山東春秋屬鄆秦穰邑
小布涅字頗多當是一地所鑄案此布多出山右考襄垣
縣西北九十里有涅城卽漢涅氏縣地漢志注涅水出或
卽其地所鑄歟

謹案遑大布其首旁出較他布爲異吉金錄引水經

注證爲涅陽不知水經注自有涅及涅水也濁漳水
下云涅水東逕涅縣城南縣氏涅水也涅水又東南
武鄉水會焉其故城在今武鄉縣西六十里沁州北
七十里俗本水經注誤涅爲垣方志多致失考又案
漢上黨郡兼今澤潞遼沁四府州地史記正義謂韓
得澤潞之地趙得沁儀二州是也唐儀州縣今遼州故以銅
提涅二布與晉陽諸布次爲一類

晉陽銳足貨

文二晉陽

平列

又文四晉陽八化

彙錄三十四品

大布二品一曾曷字平列一左

近右

多

近足

字錯綜

尖足布凡大品亦薄同小品皆一時之製非若方足之厚薄相懸也

常布九

品一二並作猶三晉作豈背文七四文同一二並自左讀

五陽反文_〇背文一六陽反文_〇背文二七八並傳形末

品陽作_〇背文_〇晉陽幣背多紀數作貨字者僅見此九左缺陽字 別布

二十三品十品文自右讀作_〇文並同惟四品十品晉下日中作點五品作

小畫餘並作口易十背文二五七九十吐_〇升_〇六品右品作_〇餘皆作_〇作方

七品作_〇橫六八十二品回文讀一作_〇背文_〇二至七陽

皆有_〇背文二三作_〇四_〇五_〇六_〇八面文_〇背九十

面文作_〇三品白左讀八化倒化十背文一十一背文八十二右晉

陽左八化又一品文左讀_〇背文六

陽銳足貨

文二易化

桑錄十五品 一品文右讀作_〇背文_〇下 一品文左讀作

_〇倒文十三品一易在左_〇在中背作雙_〇下平列二面

文同背複七字三面文卦背文卜面背皆紀四至九易在
左並反書作易九面文易背文化十至十二易化在左連
書作易十三右一易字陽化並陽邑之貨也說見方足
布

茲氏銳足貨

文一茲又文二茲氏平列又文四茲氏八化又文三茲氏鉤

彙錄十六品 大布一品面文背文五 別貨七品一

茲氏八化二文同背文五累數作五十三至七並傳形三

背文一 一字者三品一茲在右二三在左文並作88

茲氏鉤五品文並左讀一作二三四並缺氏字五作

舊譜釋此為北茲二字不見於書未敢深信古泉匯云

此茲字不減筆上係從草非北字況金化為文與譏氏布

迴別其爲兩地所鑄顯然焉得合而爲一故以前品屬王
畿此屬茲邑按布文十卜土仍是氏字與前方足布同古
泉匯之說非是

中都銳足貨

文二見前

彙錄一品中無界畫文作

榆銳足貨

文三脰八化

彙錄七品文脰字在右一至三作𠂔𠂔𠂔三形餘皆同惟
月旁小異 此布脰或釋爲榆左傳石言於晉魏榆杜注
晉地服曰魏邑榆州里名

案地志皆以
爲榆次縣

謹案漢書樂布封鄒侯地理志鄒國屬清河郡疑脰

爲鄒之本字後人省月加邑也清河戰國屬趙故布

文曰鄒八化與晉諸布同姑從原釋附著於末

晉陽圓足貨

文二見前

彙錄二品一作網中有界畫二晉作𠄎背文三

茲氏圓足貨

文二見前

彙錄一品面文𠄎背文三

示字空首貨

文一示

彙錄一品祁滅邑旁文在布右

謹案漢志太原郡祁王莽改曰示莽好古當有所本

非僅省文也


同字空首貨

文一同

彙錄三品一二文作同一在左一在右三文作目在右皆銅之省文也

是字空首貨

文一是

彙錄一品文作在左旁鞮之省文 文與同是邑布同

而分鑄於二布

此布多於中州出
土山右亦有之

謹案鎡布之制身作方形其柄中空其廉末銳與他布之平首歧足者迥別其大踰於常布三倍而文則止一字多旁書古人制作取利民用必有深義而其

說不傳竊以示布及同是二布推之疑地名凡一字者或析其文二字者亦判其名令各爲二布蓋卽周官之質布也周官廛人掌有總布款布質布罰布廛布諸名注謂質布者質人之所罰犯質劑之泉也以質布與罰布爲一說殊混淆據秋官司市下云以質劑結信而止訟大市以質小市以劑注質劑謂兩書一札同而別之質人下云凡賣債者質劑焉注質劑者爲之券以藏之也是質劑乃券契質布亦其類如王莽之名契刀也說文釋券云卷別之書以刀判契其旁故曰契券此布以一地分爲二空其柄接合以符卽兩書一札之義也有事則各藏其一以結信事定則合二爲一以成券卽別而同之之說也三代貨

泉之制行之之法莫備於周官而注但舉王莽之制
外府注布長二寸五分廣一寸首長八分有奇廣八分
其圓好徑二分半足長八分其右文曰貨左文曰
布重二十五銖以莽制爲準今參稽遺文證以目見似所
云總布乃大布如一等二貨之類是也所云絛布乃
別布面文八貨背文紀數之類是也所云罰布乃贖
金面文當鍰背文充字之類是也所云應布乃色貨
但鑄地名其品差小者是也所云質布卽此鑄布如
銅鞮字分之則各自爲布合之又兩布爲一是也又
案說文質從所其所字則從二斤而無說竊謂二斤
乃二化之譌所卽質之本字積古齋習鼎銘其字最
多有𠄎𠄎𠄎三體其作𠄎與布文八化字全同銘中
𠄎字五見𠄎𠄎𠄎字各一見益足證所爲本文其以二

貨得義蓋無疑小篆整齊作斤遂與斤同

又案貨幣以通有無權輕重便民利用各因土宜在三代時已不齊一故有用貝用皮用金之異若其有文字可考者泉刀布三事而已然周之寶貨齊之法貨流傳有數獨邑貨出土日多十九爲晉地蓋自歷山鑄幣以來承用夏政春秋定霸疆域益闢富強之由鼓鑄其一端也王氏彙錄凡三十三種爲品至二百九十其見於舊譜如安陽宅陽武安魯字梁字諸布雖出三晉而非今山西地者尙不在此數其制作繁富篆法奇古與關中之瓦當文字皆海內無二者也王氏譜次以方足尖足圓足空首爲綱而冠以虞安邑蒲坂平陽晉陽五布餘隨意採列無復區別今

準三晉地名以虞安邑領魏平陽

晉陽領趙他

布皆以類次彼專譜古金重在形

此參稽地制重

在文字也

長平古布

文二降陽

路史天等元年李幼奇得乃高陽也背文如八字案羅氏云

長平布中有作鬻以舌一及作統肉郭皆高陽金也今考其文鬻姑列其一於此

長平刀

文三齊杏化背文一畝

泉志唐天寶元年西河郡別駕李司於長平溪澗中所

得狀如小刀面背俱有字不可識案杏即法之省文也杏又化爲九並非

垣字泉

文一垣

彙錄三品面背俱無輪郭中爲圓穿徑周尺一寸四分一
垣字在右次同土旁少一橫畫二字在左反書篆體均與
襄垣布垣字同 史記秦本紀垣爲七國時魏地漢書志
理志屬河東

其後代泉文之可記者有北魏太和五銖北齊常平五銖及
隋之五銖唐開元通寶外有乾封泉寶乾元重寶大厯通寶
建中通寶五代晉有天福元寶漢有漢元通寶宋有天禧元
寶天聖元寶熙寧通寶元祐通寶崇寧通寶大觀通寶今頗
散見於世然冶鑄之地無從識別矣惟唐大厯通寶獨出絳
州金大定通寶獨出代州

魏書食貨志魏初至於太和錢貨無所周流高祖始詔天

下用錢十九年治鑄鑑備文曰太和五銖文篆書宣武帝別鑄五銖謂之

新五銖孝莊時又鑄永安五銖皆在遷洛以後矣

隋書食貨志齊神武霸政之初承魏用永安五銖文宣受

禪改鑄常平五銖重如其文制造甚精文篆書宋百官志諸治西道隸太府

者有晉陽治泉部大孟原仇四局泉部蓋專司鑄錢者也高祖既受周禪更鑄新錢背

面肉好皆有周郭文曰五銖而重如其文每錢一千重四

斤二兩十八年詔漢王諒聽於并州立五鎰鑄錢文亦篆書

唐書食貨志武德四年鑄開元通寶徑八分重二銖四參

積十錢重一兩其文以八分篆隸三體案所見之錢字作

楷三體歐公常以隸為八分洛并等州皆置監乾封元年

改鑄乾封泉寶錢徑寸重二銖六分以一當舊之十輪二

年復行開元通寶錢天寶中天下鎰九十九絳州三十每

鎔歲鑄三千三百緡乾元元年鑄乾元重寶錢徑一寸每緡重十斤與開元通寶錢參用以一當十亦名乾元十當錢第五琦爲相復命絳州諸鎔鑄重輪乾元錢徑一寸二分其文亦曰乾元重寶背之外郭爲重輪每緡重十二斤與開元通寶並行以一當五十亦號重輪錢上元元年減重輪錢以一當三十開元舊錢與乾元十當錢皆以一當十代宗卽位乾元重寶以一當二重輪錢以一當三凡三日而大小錢皆以一當一其後民間乾元重輪二錢鑄爲器不復出矣 舊唐書大厯四年正月於絳州汾陽銅原兩監增置五鎔鑄錢德宗建中時鑄錢亦見舊唐書洪氏泉志並列其式續通典晉天福三年詔三京鄴都諸道州並許鑄錢以天福元寶爲文左環讀之

泉志漢通錢乾佑元年鑄文曰漢通元寶

案太平寰宇記大通監管東西

二省東省在縣上西省在交城北山又寶興軍本代州烹

鍊之省務劉繼元割據之時建為軍案監及子鈞並承用其

置漢高祖改元乾祐僅三年而亡劉崇及子鈞並承用其

號劉鈞立二年始改元為天會以此度之則北漢之世當

時所鼓鑄者必皆依乾祐制也欽定錢錄漢元寶非

意與後周周元宋初宋元同洪志讀作漢通元寶非

宋史食貨志天禧末因晉州積鐵鑄小錢又鑄大鐵錢於

晉澤二州以一當十助關中軍費未幾三司奏罷河東鑄

大鐵錢復於晉澤石三州及威勝軍日鑄小鐵錢獨留用

河東初以鐵錢二當銅錢一行之三年又以三當一或五

當一案天禧元寶天聖元寶均有篆書真熙甯二年行當

二錢八年詔河東鑄錢七十萬緡外增鑄小錢三十萬案

二即折二亦鐵元祐六年仍於絳州垣曲縣鑄折二銅錢

大錢也皆未見元祐六年仍於絳州垣曲縣鑄折二銅錢

今所見元祐錢亦有篆崇甯四年立錢綱驗樣法崇甯監

真二體宋史垣曲有監崇甯四年立錢綱驗樣法崇甯監

以所鑄御書當十錢來上糴用銅九斤鉛半之錫居三之一頒其式於諸路大觀元年重行夾錫錢每糴用銅八斤黑錫半之白錫又半之三年皆罷唯河東聽存舊監以鑄

銅錢

案崇寧大觀大錢皆徽宗御書所鑄瘦金體今世多有殊精絕也

代州志阜通監金史世宗十八年代州立監鑄錢文曰大定通寶字文肉好勝正隆之制世傳其錢料微用銀云十九年鑄至萬六千貫二十年詔以五千進而後命與舊錢並用案金川鈔不鑄錢海陵始鑄正隆通寶世宗繼之代州阜通監至今宰相監鑄本紀大定二十二年十月以參知政事粘割幹特刺提控代州阜通監故其錢獨精好今世流傳者有闊緣窄緣二種史謂其料微用銀非乃鐵也古錢之精者燒之皆可得質類水銀

謹案貨泉亦器物以其品最夥故別輯爲篇後代錢
文不專出晉本無可記然據歐陽文忠相度銅利牒
所舉錢坊遺蹟如翼城垣曲稷山絳縣所在皆是蓋
唐宋鼓鑄之事猶以河東爲稱首也爰稽史文括其
大略附著篇末云

右貨泉